

Sakspapir

Saksnr	Utvalg	Type	Dato
098/19	Formannskapet	PS	21.11.2019
079/19	Kommunestyret	PS	12.12.2019

Saksbehandler	Arkiv	ArkivsakID
Asbjørn Nagell Toft	FE-141, TI-&37	19/743

Planstrategi for Austrheim kommune for perioden 2020 - 2024 - Oppstart av arbeid

Vedlegg

Planstrategi 2016 - 2020

Framlegg til vedtak:

Formannskapet vedtek at Austrheim kommune sitt arbeid med planstrategi vert starta opp. Formannskapet vert styringsgruppe for arbeidet. Rådmannen set ned ei administrativ arbeidsgruppe. som legg fram eit forslag til styringsgruppa over kva planoppgåver Austrheim kommune bør starte opp eller vidareføra i kommunestyreperioden. Vedtaket har heimel i plan- og bygningslova § 10-1.

Formannskapet vedtek at Austrheim kommune sitt arbeid med planstrategi vert starta opp. Formannskapet og 1 representant frå parti som ikkje er del av formannskapet vert styringsgruppe for arbeidet.

FORSLAG TIL ENDRING

Formannskapet vedtek at Austrheim kommune sitt arbeid med planstrategi vert starta opp. Formannskapet og 1 medlem frå partia/gruppene som ikkje er representert i formannskapet vert styringsgruppe for arbeidet. Rådmannen set ned ei administrativ arbeidsgruppe. som legg fram eit forslag til styringsgruppa over kva planoppgåver Austrheim kommune bør starte opp eller vidareføra i kommunestyreperioden. Vedtaket har heimel i plan- og bygningslova § 10-1

BAKGRUNN FOR SAKEN

Planstrategi, kommuneplan og delplanar heng saman. Det bør vera dei same som handsama både planstrategi og kommuneplan. Det er både praktisk og fornuftig at ein då slår desse to utval saman og at samansetningen vert som for arealutvalet.

Slik står samansetningen for arealplanutval:

I samband med utarbeiding av kommuneplan og delplanar, nyttar kommunen sitt arbeidsutval kalla arealplanutvalet. Dette utvalet er samansett av formannskapet og 1 medlem frå partia/gruppene som ikkje er representert i formannskapet

Formannskapet - 098/19 - 21.11.2019

FS - behandling:

Avdelingsleiar Asbjørn Toft orienterte om at det nye kommunestyret skal vedta ein planstrategi for kva planar dei skal laga den kommande perioden. Ein del planar er det krav om å laga/fornya. Andre er det krav om at kommunen må ha på plass for å kunna søka om støtte, til dømes er idrettsplanen eit krav for å kunna søka om spelemidlar.

Toft sa at Austrheim no er i ein periode med mindre behov for å laga nye reguleringsplanar, etter at det er gjort mykje dei siste 5-6 åra.

Ordførar Per Lerøy (Ap) sa at Austrheim no har mange av planane på plass, eit planarbeid som også har tilrettelagt for ein del utbygging i privat regi. I tillegg så har ein sett at planar gjev grunnlag for å få midlar, som til dømes planen for trafikksikring som er viktig for å få midlar frå fylkeskommunen. No må politikarane bruka planstrategien for å seia kva ein skal prioritera på plansida, og jobba med dette fram mot kommunestyret. Planstrategien stakar ut kursen for kva kommunestyret skal jobba med dei neste fire åra, om ein ønskjer at administrasjonen skal jobba med eldremeldinga så må ein seia det i strategien.

Morten Sognnes (H) spurte om kva som skjer med plan for gangfelt frå Kilstraumen til Fonnes. For strekket frå Mastrevik til Kilstraumen er det ein plan, men strekket frå Kilstraumen til Fonnes er der det har skjedd flest ulukker.

Avdelingsleiar Toft svara at det ikkje er laga ein reguleringsplan for gangfelt frå Kilstraumen til Fonnes. Ein vera klar over dersom det ikkje er midlar til å gjera noko den kommande tiårsperioden, så er planarbeidet bortkasta. Rår til å heller laga ein trafikksikringsplan der ein tek for seg dei farlegaste punkta.

Per Lerøy (Ap) sa at det er løyst ein del innan trafikksikring, men det står mykje att. Oppfordra til å komma med innspel til planstrategien, slik at denne vert i tråd med politiske ønskje.

Helge Dyrkolbotn (KrF) spurte om Bygdelista i Austrheim skal vera representert i den administrative arbeidsgruppa som skal jobba med planstrategien.

Asbjørn Toft svara at framlegget til vedtak er likt det ein hadde sist, for fire år sidan.

Handsaming i formannskapet:

Samrøystes for rådmannens framlegg til vedtak.

FS - vedtak:

Formannskapet vedtek at Austrheim kommune sitt arbeid med planstrategi vert starta opp.

Formannskapet vert styringsgruppe for arbeidet. Rådmannen set ned ei administrativ arbeidsgruppe. som legg fram eit forslag til styringsgruppa over kva planoppgåver Austrheim kommune bør starte opp eller vidareføra i kommunestyreperioden. Vedtaket har heimel i plan- og bygningslova § 10-1.

Kommunestyret - 079/19 - 12.12.2019

KS - behandling:

Avdelingsleiar plan, byggesak, oppmåling og miljø Asbjørn Toft orienterte om saka.

- Det er viktig at det kjem innspel på kva planar som skal lagast. Gode planar viktig, til dømes med tanke på å søka midlar, der idrettsplanen kan sikra tippemidlar til idrett, klimaplanen midlar til enøk-

tiltak. Nokre planar er kommunen pålagt å laga, andre er viktige for at ein skal få tilskot.

Reidar Øksnes (Sp) etterlyste planar i lista:

- Eg saknar ein strategiplan for korleis Austrheim kommune skal jobba vidare aleine, etter at me har sagt nei til å gå saman med andre kommunar. Vidare saknar eg ein plan som seier noko om korleis dette med Nordhordland biosfæreområde påverkar oss i det vidare arbeidet. Og så må ein sjå på at Austrheim ligg midt i eit nytt storfylke, det bør synleggjerast korleis dette påverkar oss.

Reidar Ulvøy (Ap) ba om at det vart laga ein ny klima- og miljøplan.

- Målet må vera at Austrheim kommune berre skal nytta fornybar energi til oppvarming av bygg innan utgangen av 2025. Alle personbilar og små varebilar som kommunen kjøper i perioden etter 2021, skal vera nullutsleppskøyrety. Nye ladepunkt må etablerast. Klima og miljøplanen skal også innehalda tiltak som sikrar at alle avdelingar i kommunen skal vera sertifiserte «Miljøfyrtårn» innan 2023.

Atle Utkilen (Bygdelista) hadde framlegg til endring av samansettinga av styringsgruppa for arbeidet med planstrategien, slik at alle parti i kommunestyret vert representert i styringsgruppa:

«Formannskapet vedtek at Austrheim kommune sitt arbeid med planstrategi vert starta opp.

Formannskapet og 1 representant frå parti som ikkje er del av formannskapet vert styringsgruppe for arbeidet.»

Avdelingsleiar Toft kommenterte innspela, og sa at politikarane er suverene i å føreslå kva planar administrasjonen skal laga. Toft sa vidare at det er viktig med god forankring, og at det er OK å ta inn dei partia som ikkje er representerte i formannskapet.

Helge Dyrkolbotn sa at KrF støttar Utkilen sitt framlegg til vedtak om å utvida styringsgruppa,

Inger Lise Brekke (H) ba om gruppemøte.

Møtet heva 15.27, møtet sett igjen 15.33

Inger Lise Brekke (H) fremja framlegg om at saka vart utsett til det neste møtet i kommunestyret.

Per Lerøy (Ap) presiserte at det ein ville ha utsett var val av styringsgruppe for planstrategien.

Helge Dyrkolbotn (KrF) sa at han ikkje var samd i å utsetja denne delen av saka.

Avdelingsleiar Toft sa at planstrategien skal på høyring, og at val av styringsgruppe ikkje stoppar administrasjonen sitt arbeid med å senda planen ut på høyring.

Per Lerøy (Ap) sa at ein kan vedta å starta arbeidet, men utsetta samansettinga av gruppa. Sa at rådmannen må førebu sak om dette til formannskapet og kommunestyret i 2020, og at det må komma som sak i februar 2020.

Rådmann Liv Løvvik sa at så lenge noko anna ikkje er vedteke, så er det formannskapet som er styringsgruppe, slik som sist.

Handsaming i kommunestyret:

Atle Utkilen sitt framlegg om at alle parti i kommunestyret bør vera med i styringsgruppa, vart utsett med 10 mot 7 røyster (Høgre og Ap for utsetting, Bygdelista, KrF og Sp mot).

Rådmannen sitt framlegg vart samrøystes vedteke.

KS - vedtak:

Formannskapet vedtek at Austrheim kommune sitt arbeid med planstrategi vert starta opp.

Formannskapet vert styringsgruppe for arbeidet. Rådmannen set ned ei administrativ arbeidsgruppe som legg fram eit forslag til styringsgruppa over kva planoppgåver Austrheim kommune bør starte

opp eller vidareføra i kommunestyreperioden. Vedtaket har heimel i plan- og bygningslova § 10-1.

Saksopplysninger:

Vurdering:

Rådmannen rår til at arbeid med kommunal planstrategi i Austrheim kommune no vert starta opp og gjer framlegg om at det vert gjort oppstartsvedtak om dette. Rådmannen rår til at det samstundes vert fastsett ei politisk styringsgruppe som skal følgje arbeidet. Rådmannen meiner at det er naturleg at det vert etablert ei arbeidsgruppe som legg fram eit drøftingsdokument til første møte i styringsgruppa.

Rådmannen vil leggje opp arbeidet slik at Austrheim kommune varslar oppstartsvedtaket på heimesida og i avisannonse på vanleg måte. På denne måten kan og innbyggjarar, lag og organisasjonar koma med innspel.

Rådmannen rår til at arbeidet med ein kommunal planstrategi vert starta opp og at formannskapet vert styringsgruppe for arbeidet. Rådmannen rår til at det vert etablert ei administrativ arbeidsgruppe som legg fram eit forslag til styringsgruppa over kva planoppgåver Austrheim kommune bør starte opp eller vidareføra i kommunestyreperioden.

Konklusjon:

Arbeidet med Austrheim kommune sin planstrategi vert starta opp. Formannskapet vert styringsgruppe for arbeidet. Rådmannen set ned ei administrativ arbeidsgruppe som legg fram eit utfordringsdokument til styringsgruppa.